

欽定大清會典事例

欽定大清會典事例卷五百六十四

兵部

職制千總俸滿外用 營兵外委定額 漢世爵

千總俸滿。順治初年定千總六年俸滿咨部時。將原領劄付。令本人隨帶赴部親繳。如不將原劄親帶赴繳者。不准註冊引。

見○又定千總六年俸滿。由督撫提鎮考驗。優者保送引。

見。平常者咨部註冊。不准保送。康熙三十年議准。巡捕營千總與直省千總一例。六年俸滿不算。

京俸。○雍正六年議准。河營千總。六年俸滿。如有熟悉椿埽。勤敏盡職者。該督咨部留工效力。遇守備員缺。與現任千總一例揀選題補。○七年奉

旨。咨部註冊。不行保送之年滿千總。有情願來京引見者。自赴兵部報名考試。平常者仍行註冊。技勇可用者。列名具奏。請旨引見。○十二年議准。千總俸滿。如有盜案叅處。及別項降職降俸等案。未經開復。該將軍督撫提鎮。詳加考驗。平常者勒令休致。若人材弓馬可觀。出具考語保送。於丈內將降

罰之案。詳細聲明。由部引

見。如別行補用。將降罰之案帶於新任。三年無過開復。○十三年奉

旨。凡年滿千總發回原任者。因其人材中平。又未知效力何如。是以發回。令各督撫提鎮再行試看。如效力果好。遇有守備員缺。仍可與各標千總內比較酌量題補。不得因其回任。即礙難保題。○乾隆三年奏准。千總俸滿。除不堪保送者咨部開缺外。凡保送者詳加察覈。出具切實考語。如弓馬人材實在可觀。及有效力實績者。方准保送。其雖無勞績。

而弓馬人材可觀。又諳練營伍者。亦准保送。該千總到部。由部復加考試。如人材弓馬不堪。並無勞績者。即行駁回。不准引。

見其引

見者。將本省鄰省有無在外題補之缺。於名籤上註明。如奉

旨發回本省。並發往別省題補者。該督撫提鎮遵

旨題補。如交巡捕營當差者。歸於應得之班選用。註

冊候推者。仍發回本省。給予馬兵糧。隨營差操。
按引

見奉

旨日期先後歸入本班挨次推用。除陸續題補推補外。若過三年後。尚未題補推補者。該督撫提鎮再加甄別。果弓馬純熟。營務諳練。並從前有效力實績。材尚可用者。仍留標候題候推。如弓馬漸次生疏。差操漸次懈惰。又並無前勞可念者。即咨部註冊。令其回籍。○七年

諭。近年以來。外省保送年滿千總。似覺過多。一時不能得用。未免轉致壅滯。著各省督撫提鎮。於保送時留心選擇。如果材技優長。及有軍功勞績者。方准咨部

引見。毋得濫行保送。○又

諭武弁中守備一官。乃將帥之臂指。千把之表率。非平庸之人所能勝任。各省有分發候補守備之年滿千總。該督撫自必先儘材技可觀者。題請補用。若弓馬人材不及之人。守候日久。年力愈衰。技勇日退。及得官之後。於營伍操防。何能收其實用。非整飭戎行之道。著各省督撫提鎮將現今分發候補守備之年滿千總。秉公甄別。除年力壯盛材技可觀者。仍留候補外。其弓馬人材平常。年力漸衰者。皆准其原品休致。則強銳者既得及時授官。而衰弱者亦免於守候嗣

後三年舉行一次。所留候補之人。著於支食千總俸銀外。加給步兵糧。以資其食用。至保送年滿千總。務將人材壯健。可以造就。及實曾出力者。舉出。甯缺毋濫。不得姑息。庶不致升途壅滯。亦可收得人之效矣。

○十年奏准。各省俸滿千總。督撫提鎮保送者。十居八九。咨部註冊者無幾。不但隨營食餉多。占兵額。且使候補候選之人。一概壅滯。嗣後俸滿千總。除人材弓馬可觀。著有勞績者。仍照例保送外。其雖無勞績。而人材弓馬可觀者。務須詳加考覈。酌定人數。每十人內保送不得過二。

三人至人材弓馬均屬平常。即咨部註冊。概不得濫保。如將實非出衆之人多送。由部於考驗時照例駁回。其年滿千總內。發回本省題補。並註冊候推。未經得用者。遇三年甄別。秉公考驗。其有年力未衰。弓馬生疏者。勒令離營報部。

又議准。發回本省以守備題補之年滿千總。定例以本省應題補之守備題補。其未經題補者。例由該督撫提鎮出具考語。造冊送部。歸於雙單月分發班內銓選。但每年分發班內。不過選用二三人。除有在外應題守備之省。發回年滿

千總尚有題補之期。毋庸置議外。惟山西河南江西三省。向無在外應題之守備。該弁等在本省守候。既無可題補。若令盡行造冊送部。與各省年滿千總挨次推用。則守候仍屬需時。嗣後山西河南江西三省。部推守備。如有五缺。以第一二三四缺歸部銓選。第五缺行令該督撫將發回以守備題補之年滿千總。題請補授。周而復始。如係本省之人。照例題補。隔府別營。仍於本內聲明。若所出缺。與候補之人。繁簡不甚相宜。或定例應行迴避者。准其於別營通融調補。

此等人員。如從前已經造冊送部銓選者。仍准其題補。其未經題補者。亦准其造冊送部銓選。未及題選之時。如遇三年甄別。秉公考驗。其有年力就衰。弓馬生疏。即令離營。○十一年奏准。各省水師千總俸滿。送部引

見者。發回本省。以水師守備題補。外海水師守備。例應題補者尚多。皆得陸續題補。內河水師守備。各省額設無多。江南浙江廣東等省。有在外題補之水師守備。候補之人。不致補用無期。至湖廣並無內河水師守備。應題補者。候補水師守

備雖有候補之名。終無題補之路。江西省額設水師千總。將來俸滿保送。發回候補。亦無應題補之水師守備。向例陸路年滿千總。發回本省題補者。如題缺無多。及並無題缺之省。准令該督撫提鎮出具考語。造冊送部銓選。嗣後發回題補之水師年滿千總。並無題缺之省。照陸路之例。令該督撫提鎮詳加考驗。出具考語。造冊送部註冊。遇有內河水師部推守備員缺。以水師藍翎侍衛與水師年滿千總輪班選用。○十二年議准。各省滿洲千總。六年俸滿保送引

見分別發往本省或別省以守備題補此等人員一時不能得缺既無廬舍可居又無子姪食糧接濟嗣後照隨營候推之例送部引

見後留京當差給予守備頂戴仍按年滿日期候部推升。十四年奏准發回本省題補之千總有因該省本無在外題補之缺及雖有無多者補用無期是以令各該督撫提鎮出具考語造冊送部歸班銓選掣籤後行文調取引

見但隨營候推之千總銓選得官例不調取引見至發回本省以守備題補者於題補時亦不送部

今遇部推復調取引

見例不畫一。嗣後於部推之後。照例具題候奉

旨給發劄付。令其赴任。免其調取引

見。○十七年奉

旨。嗣後引見之雲南貴州廣東廣西福建等五省年滿千總留巡捕營當差者。將伊等有無親老及別情不能遠離之處。爾部詢問。如有不能遠離情節。仍發回本省照例補用。○十八年奉

旨。各省六年俸滿千總經保送引見者。分發本省鄰省以守備題補。其發回本省隨營候推之員。逐年積累。

人數甚多。雖有三年再加甄別之例。率皆視為具文。多有以守候壅滯為言者。使但嚴其甄別。而不稍為疏通。亦無以示鼓勵。嗣後候推之人。屆三年甄別之期。該督撫提鎮。各宜實力奉行。不得姑息濫予。其有實在行走勤勞人材出眾者。准其再行保舉引見。交部即用。若原應題補。而非實在出色。年力又未至衰老者。即咨部降為候推。至候推之人。內有應拔置題補者。亦准其保送引見。其不在保送之例。而人材尚屬可留者。仍令隨營候推。衰庸怠惰者。咨部休致。應如何酌定班次錄用之處。該部定議具奏。欽此。遵

旨議定嗣後候補候推之年滿千總每屆三年詳加甄別其原應題補而非實在出色者即降為候推原係候推而實在衰庸懶惰者即咨部休致如候補候推兩項內有行走勤勞材藝出衆者於三年甄別時保舉送部引

見將原應題補者改為即用於單月選兩人後輪用一人原係候推者拔置題補令該督撫提鎮遇有員缺酌量題補至原應題補降為候推者歸入候推千總應用班內較其從前奉

旨日期如同日奉

旨。較其俸滿日期先後選用。○二十二年

諭。前經降旨。令各督提。將年滿千總內候補候推人員。三年甄別一次。但從前因候補候推人員。積年壅滯。是以定期三年舉行一次。此番甄別之後。伊等班次。自可逐漸疏通。嗣後著改為六年甄別一次。將每項各若干員。分款開單。彙總進呈。○二十三年奏准。千

總年滿引

見其出兵者。發回本省題升。未出兵者。發回候推。或交巡捕營當差。均於隨摺內聲明。恭候

欽定。○又

諭水師保送俸滿千總尤當詳慎著各督提等嚴行考覈並發隔營統巡大員帶領出海試驗如果嫻習水務准其送部引見其或本營濫行保送及隔營扶同徇庇者即行叅處著為令○又議准各省豫保千總與候補人員輪流閒補以第一缺歸豫保千總掣補第二缺歸候補人員題補○二十四年

諭各省綠營千總舊例限以六年俸滿離任與從前大街小街同一陋習嗣後各省綠營千總任事六年著該督提等秉公甄別應行保舉者送部引見令其回任候升若年力衰庸奏明休致其餘仍留原任歸於

下次再行甄別。其應如何甄別。及按年彙題之處。著該部詳細定議具奏。欽此。遵

旨議定。直省綠營千總。凡歷俸六年後。各督撫詳加考驗。堪膺保送者。送部引

見。曾經出兵者。回任題補。未出兵者。回任候推。其年力未衰。弓馬尚可者。留任。庸劣衰邁者。勒休。於年底將保送留任勒休共幾員。分析彙奏。至候升留任之員。再歷六年。仍照前例甄別。並各省水師。俸滿及黔省苗疆邊俸三年五年俸滿千總。應照例甄別。保舉送部引

見後。回任題補。又直隸捕盜千總。三年內並無盜案。

照例題補。若再留三年俸滿。送部引。

見亦免其開缺。其臺灣三年俸滿千總引。

見後發回題補候升者。均調回內地候升。其河營千

總。六年俸滿。例不送部。留工候升。亦照例甄別。

免其送部。毋庸開缺。年底彙奏。以上各項回任

候升及留任者。俱換給劄付任事。○又奉

旨。漢千總既經定有六年俸滿引見後發回原任不必

開缺之例。嗣後滿洲千總亦照此例行。○又議定已

經六年俸滿留任千總。每遇三年甄別一次。如

較前勉力者。保送引

見分別曾否出兵。照例錄用。○二十八年

諭。直省各項年滿十總。著秉公分析甄別。有年在六十以上者。候題之員。降為候推。候推之員。降為留任。俱俟下次甄別。以次遞降。至六十六歲。即予休致。其咨部留任之員。一至六十以上者。概予休致。其年雖未及期。而技藝生疏。人材闕茸。不堪造就者。並即勒休出缺。毋得稍存遷就之見。如此則把總升用之途。不致過闊。而營政官常。均有裨益。著為令。○又題准。彭臺俸滿把總。以千總候補者。令該督於甄別年

滿千總時一體甄別。如有衰弱怠惰者。即行休退。三十一年奏准。嗣後六年俸滿千總。應行留任一項。令該督撫嚴加考覈。一體給咨送部引

見可否留任恭候

欽定。又

諭吏部甄別敕職佐雜。兵部之千總。俱定以六年俸滿分別保薦留任勒休。並令各督撫於年終彙奏。原恐督撫等或曲意姑容。至有衰弱懸棧。是以批令該部知道。以便比較查覈。若一概存而不論。則亦毋庸批

交該部矣。蓋此等甄別年滿員升。其列入保薦者。合例與否。俱由部覈議請旨。惟例應留任之員。該部止照督撫等所議存案。向未復加察覈。但各員升分別留任。初次定以六年。迨下次再行甄別時。前後已有十餘年之久。其中豈無衰邁龍鍾。年歲已逾定例之人。若該督撫等。或因循姑息。不行裁汰。該部又以向無查覈之責。聽其蒙混濫等。殊非覈實官方之道。嗣後著各該部遇有此等照例彙奏事件。及一切督撫等題奏。經朕批交該部知道者。將應否准駁之處。俱於年終詳查覈議具奏。○又覆准。各省甄別千總。無

論遠近省分。即將本年甄別過員數開單。於封印前彙奏到部。如本年並無甄別千總。亦於年底奏明。以便查覈彙奏。○三十三年

諭各省甄別教職及千總等員。六年俸滿。吏兵二部於年終彙奏一次。但各省地方大小不等。額設員弁多寡不同。其地狹之省。每年甄別一二員。不得謂之姑息。若大省員數衆多。其甄別斥退者。統計該省員額不及百之二三。且有全行留任者。勢必至衰頽庸劣之員。姑容戀棧。嗣後吏兵二部於彙奏時。各按省分大小。屬員多少。覈其去留之數。列單呈覽。並統覈三

年該督撫有無全未甄別及甄別過少之處一併奏聞。四十四年議准俸滿保送同任候升千總三年甄別一次至二次甄別仍行留任候升者送部引

見。五十年奏准未經俸滿千總以及把總外委令該督撫隨時察看將年力衰老者勒休。又

諭向例俸滿千總年六十以上者原係候推人員即降為留任其技藝生疏闕茸不堪造就者著俱勒休出缺而近來各省督撫往往心存姑息於應行甄別之期將年滿六十以上千總仍予留任者居多殊不思

此等年老千總精力就衰。徒阻後來上進之階。於戎政大有關係。著傳諭各督撫於每屆甄別時。務遵照定例。將六十以上千總。俱令勒休出缺。俾年力精壯。技藝出色者。得以及時效用。○五十一年

諭。據毓奇奏年滿六十以上千總。例應勒休出缺。但衛千總職司漕務。與營制稍有區別。請將領運千總。年至六十歲者。察看精力。如果就衰。仍照例勒休。僅其中實有精力壯健。為漕運中得力之員。准令出具考語送部引見等語。所奏尚是。著照所請行。仍將應留各員送部引見。○五十二年奏准。嗣後無論邊疆內

地。各項千總。統以引

見一次為定。如俸滿保送與留任改為保送及豫保卓異。均照舊例引

見其俸滿留任千總。停其送部。若至二次甄別。仍係留任者。亦令送部引

見。五十年

諭。向來山東河營汛弁。有俸滿保送分別營衛升用之例。而北河額設千總。向無此例。未免偏枯。嗣後北河額設千總。已屆俸滿。如果有防汛實心奮勉出力者。著照山東河營汛弁之例。分別等第。送部引見。○五

十六年議准。澎湖千總。照內地之例。六年俸滿。分別保送。毋庸計算邊俸。○六十年奏准。各省甄別千總。年終彙咨。如果無衰庸總缺。應行甄別之處。令該督提等將有無。參劾緣由。聲明具奏。其奏明無可。參劾省分。或別案。究出衰庸。貽誤者。將該督提等。嚴加議處。○又奏准。各省千總。年逾六十。尚堪供職者。展至六十三歲。再行甄別。仍可留任者。送部。

見恭候

欽定。如年力就衰之員。濫行送部。將該督撫提督。嚴

加議處。至衛所千總亦照此例行。○嘉慶九年
奉

旨。兵部議覆愛新泰所請。將現在由臺募兵及義民首
內拔補各員弁。准其留臺升拔。並嗣後予以限制一
摺。臺灣千把外委等官。舊例於三年俸滿班滿時。均
應調回內地差委。惟近年以來。多有由義民首及臺
募兵內。打仗緝匪。著有微勞。以次拔補者。該弁等本
係土著。於該處地方情形。素為熟悉。緝捕自較得力。
若調至內地。轉屬生手。且伊等父母妻子。向皆就近
團聚。一旦因換班內渡。無力搬移。不能兼顧。以致紛

紛告退情亦可憫。著照該部所議。查明該處現由本地募兵及義民首內。除先經拔補各員外。嗣後定以限制。千總准其拔補三名。把總准其拔補五名。外委准其拔補十名。額外外委照缺計算。俱准其留臺差操。如有緝捕出力者。以次升拔。仍造冊咨部以備查覈。○道光四年奉

旨。前據趙慎畛奏臺灣營弁請照海疆久任之例計俸升補。當交兵部議奏。茲據奏稱。駐臺守備以上久停更調。而千把總以下。仍係紛紛更換。於海疆情形未能周知。不足以資約束。嗣後臺灣千總把總外委額

外外委等升。三年期滿。俱著毋庸調回內地。其留臺分別保題升補之處。均著照所議行。至該督奏請千總俸滿。先加升銜。未免過優。且留臺將備等。向無此例。亦覺兩歧。所請著不准行。該處營員。現雖更定章程。而班兵仍照舊三年更換。惟兵丁內亦有由臺招募土著入伍者。一經著有勞績。不得不加以甄拔。若年久拔補漸多。則營弁半屬臺地之人。易滋流弊。殊非杜漸防微之道。著該督等遇有千把外委等缺。仍按嘉慶九年兵部奏定章程。凡由臺募兵丁甄拔。並招募臺地土著兵丁。均不得過十分之一。以符定額。

○九年奏准。直隸河營千總俸滿奉

旨以衛缺升用者。遇該省有河營守備題補缺出。如無奉

旨以河營守備題補之員。即以衛用之。升題補。

營兵外委定額。○雍正五年議准。各營之中。凡額兵二百名。許外委把總一人。額兵四百名。許外委千總一人。均於馬步兵丁內。考驗操防勤慎。及人材弓馬好者。秉公選擇。造冊報部。○六年議准。外委千把總。於額兵數內拔補。給予八品頂戴。令其同經制千把總辦理汛務。如遇經

制千把總員缺揀選拔補。○十二年議准。各標協營考拔外委之時。照經制千把總之例。與同城互調拔補。不得以本營兵丁拔補本營外委。至於獨營地方。無鄰近營汛可以互調者。即於本營左哨右哨頭司二司內。彼此互調拔補。○十三年議准。將軍督撫提鎮。有將營外之人。濫給委牌者。照徇底例議處。○又議准。直省援勦營之外委。有未照防守營之外委。分撥哨司。辦理汛務者。均照經制千把例。分撥哨司。令其管轄汛兵。操防巡緝。如遇疏防失事。以及兵丁生

事擾民約束不嚴等案。該將軍督撫提鎮將該弁隨經制千把總一例參處。○乾隆二十六年奏准。各省千把外委不敷差遣。照經制外委額數添設額外外委一半。給予頂戴。仍食本身糧餉。遇有把總以及經制外委缺出。一體揀拔。○二十七年題准。江南河營協辦外委。外委效用名目。均改為額外外委。照經制外委給予頂戴。仍食本身錢糧。遇有把總以及經制外委缺出。一體揀拔。○二十八年覆准。江南河葦二營額
外外委改為外委協辦。外委效用。遇有把總缺

出。准於外委協辦內揀拔。外委協辦缺出。准於外委效用內揀拔。○又定額外外委。如有親喪。准其考拔經制外委。至考拔把總時。服制未滿。仍不准拔補。○三十一年議准。江南蘇松狼山二鎮外海繒船舵工。給予外委頂戴。遇有經制外委缺出。同營中額外外委一體拔補。○四十二年議准。甘肅瑪納斯協左右二營外委缺出。由該都統會同提督。就近考拔報部。○四十三年奏准。直省外委缺出。於別項人員補用三缺後。將精習鳥槍者。拔補一人。其步兵中有精習

烏槍者亦准於三缺後選拔一人。五十年議准。江西省額設兵丁。習烏槍者有十分之四。拔補外委於三缺後補用一人。仍屬較少。改為二缺後拔補一人。統計各省額設烏槍兵丁。均在十分之三四。應俱照江西省兩缺後補用一人之例辦理。以歸畫一。五十一年奏准。外委千總。給予正八品頂戴。外委把總。給予正九品頂戴。額外外委。給予從九品頂戴。一體隨營差操。○嘉慶五年議准。嗣後外委額。額外外委缺出。各按總督提鎮駐紮營分。分別路程。就近考拔。其

提鎮拔補之弁。仍詳明總督咨部註冊。至把總亦係微末之弁。俸餉無幾。若仍由該鎮挑取。轉送各督提考拔。於體恤末弁整飭行伍之道。尚未周備。亦照考拔外委之例。一體就近改歸本標拔補。至選拔千總一項。拔補即可膺將備之選。向來俸滿保送。均令送部引

見。自應分別歸於總督提督考覈。以昭慎重。其隸撫標之千總。仍照向例歸巡撫拔補。至各該提鎮所拔員弁。遇該督查閱營伍時。詳加考驗。如有技藝平庸較拔不公者。各該督即將該弁斥革。

並將原拔之提鎮照例叅處。○十六年覆准江
南河葦二營外委協辦名目改為外委協防。○
道光二十六年奏准閩浙舵工等試用一年後
再由該將備等保送鎮將親自試驗。如果駕駛
純熟即照江省巡洋舵工之例給予舟師外委
造冊咨部遇有經制外委缺出一體遴選拔補
○二十八年議准議敘人員投營效力議敘八
品頂戴留營學習以外委候補議敘把總職銜
留營學習以外委候補均俟拔補外委後以把
總酌擬

漢世爵外用。

國初定漢官得世爵者不必註衛籍取具本籍文結支派宗國給予

敕書。○雍正八年議准伯子男以副將用輕車都尉以參將用騎都尉又一雲騎尉以遊擊用騎都尉以都司用雲騎尉以守備用凡年及二十以上者該督撫咨送到部引

見或留京學習或分與督撫提鎮標下學習效力三年。如果弓馬嫻熟請練營伍該管大員出具考語具題按其品級以應得之官補用。儻不用心

學習行走。嬾惰該管大員奏請令其回籍。如行止卑汙。題參革退。將應襲之人別請承襲。○乾隆二十八年題准。學習世職人員。令該督撫於甄別年滿千總時。一體甄別。如有衰弱怠惰者。即行休退。○三十二年

諭。向來綠旗世職。無承襲罔替之例。第念官弁等果能宣力效忠。勲猷卓越。則國家延賞酬庸。誼無歧視。所有國初以來。功冊可稽之殉節陣亡官員。或致命疆場。或折衝閫外。均宜錫以殊施。俾臣工知所激勸。著加恩各賞給恩騎尉世襲罔替。以副朕格外嘉績。褒

忠之至意。欽此。遵

旨議定。漢世職向無恩騎尉人員。其作何補用之處。並未著有成例。查八旗恩騎尉。遇有驍騎校缺出。補用。驍騎校係六品。與綠營千總品秩相當。請將漢恩騎尉。照旗員補放驍騎校之例。以千總補用。其應行承襲時。令該督撫給咨送部。帶領引

見。可否准其承襲。並發往何標學習之處。恭候欽定。如奉

旨准其承襲。發回本省學習。三年期滿。考驗弓馬。如

果可觀。遇有千總缺出。即行咨部拔補。○五十年奏准。嗣後漢人陣亡。議給世職。應行承襲人員。令該督撫查明年歲。照旗員之例。年已十八歲者。送部引

見承襲。發標學習。准食全俸。其年未及歲者。先將宗圖冊結查覈。具題請襲。奉

旨准其承襲後。給予半俸。俟及歲時補行送部引見。○五十二年

諭。嗣後承襲公侯伯子男世職人員。於學習年滿。帶領引見後。應令在侍衛上行走。俟三年後。著領侍衛內

大臣看其才具。如果能勝武職大員。出具考語。咨送兵部帶領引見。再以副將等官補用。如才具中平。難期勝任。仍令在侍衛上行走。若能勤慎無過。即以散秩大臣補用。五十七年奏准。漢世職應用參將遊擊都司守備千總員弁。除留部選用者。仍照舊例辦理外。其發回原省題補各員弁。統以到營學習之日起。扣滿五年。如果弓馬人材可觀。各按到營先後挨次題補拔補。如有始勤終怠。及庸劣無能者。勒令回籍。嘉慶四年奏准。漢雲騎尉恩騎尉均係微員。承襲時毋庸先行送部。

俱由該督撫具題發標。雲騎尉學習三年。恩騎尉學習五年。期滿後再行考驗送部引

見。五年

諭。向來綠營世職子弟承襲引見時。皆發本省督撫標下學習。該員等雖皆係本省之人。但居住原籍。距省遠近不一。嗣後承襲各員。除距省城較近之員。仍隸督撫標下學習外。其距省城較遠者。各就伊原籍附近各標營。交該鎮將等官勤加訓練。每年該督撫調赴省城考驗一次。期滿後照例給咨送部引見。酌加錄用。以示體恤。○又奏准。漢輕車都尉係三品世職。

學習期滿引

見時聲明請

旨以參將遊擊分別錄用。騎都尉又一雲騎尉係四品世職。以都司對品補用。○六年

諭。恩騎尉世職人員。除情願入標學習當差者。仍照舊例支給俸餉外。其有願應文試者。即以本職頂戴作為文生員。願應武試者。即以本職頂戴作為武生。准其一體應試。○又奏准。承襲世職人員。學習期滿。遇有事故。不能考驗者。該督撫聲明緣由。奏請展限。如有無故逾限者。將該督撫照逾限例議處。

○八年奏准。漢世職發回本省學習人員。每年調赴省城考驗一次之處。改為三年。仍令督撫轉飭該管鎮將勤加訓練。每屆年終。覈實考驗。將該世職等技藝優劣。報明督撫。以備查覈。學習期滿時。該督等詳加考驗。如有材技平庸者。停其給咨送部。並將不實心訓練之鎮將叅處。○又奏准。雲騎尉三年期滿。責成該管大臣。察其弓馬果能嫻熟。營伍果能諳練。方准保送。如其弓馬稍可。營伍未能諳練者。即聲明展限。准其再學習三年。如仍不堪造就。即勒令回籍。將世

職俸銀裁汰。○九年奏准。漢雲騎尉學習三年期滿。令該督撫飭調驗看。出具考語。給咨送部引

見毋庸再行具題。○十三年

諭。嗣後巡捕營守備缺出。著將營員升補五缺之後。補用世職一人。○十四年議准。世職期滿。遇應行補缺時。令該督撫將該省世職通行考覈。擇其技藝最優者。題請補用。如技藝相等。仍按到標先後題補。○十五年奏准。學習恩騎尉五年期滿。如果弓馬稍有可觀。而營伍未能諳練。該督撫即

行展限。飭令再學習三年。照例考驗。如仍不堪造就。即勒令回籍。其所遺世職。另行承襲。○十六年覆准。世職輪應補缺。其應補之缺。遊擊都司。係原籍五百里以內。守備係本府本營。應行迴避者。令該督撫於現任人員內。揀員調補。所遺之缺。即將該世職題補。○又定。漢世職人員學習期滿。送部引

見。或留部選用。或發回題補。兵部於隨摺內聲明。請旨。如奉

旨。留部選用者。參將遊擊都司。歸於候補班內。守備

歸於雙月五缺後各按引

見先後選用如奉

旨發回題補者。參將掣發該員鄰省候補。遊擊都司
守備各發回本省候補。○二十五年議准。嗣後
雲騎尉恩騎尉各世職。有願改水師者。於發標
時豫先呈明。分派外海各營。隨同出洋巡哨。扣
滿三年。如果明習水師。取具保結。分別送部引
見。咨留輪缺補用。儻於外海不宜。照蒙混具呈例議
處。如不豫行呈明。既在陸營收標。概不准復行
呈改。○道光元年

諭陳若霖奏世職候題守備補缺較難請比例酌議變
通一摺。湖北湖南二省世職雲騎尉以守備在營候
補者現有一百七十餘員。而該二省守備缺分無多。
迨至輪應考補。又因格於迴避本籍之例。以致補缺
無期。伊等本由難蔭。不能及時自效。未免向隅。著照
所請。嗣後遇有守備缺出。輪補世職人員。准其統行
檄調考驗題補。如有例應迴避本籍者。即比照考拔
千把總之例。與別營合例守備對調。以疏淹滯。○六
年奉

旨。昨日兵部帶領引見學習期滿之雲騎尉曾廷槐弓

箭生疏。著發回本省。再行學習三年。送部引見。又
奉

旨。前據嵩孚奏。湖北湖南各營雲騎尉世職補缺。例將
該省候補人員通行檄調考覈。惟地方寫遠。遇有調
考。往返需時。有曠操演。請將成例稍為變通。當交兵
部議奏。茲據奏稱。此項世職。每遇補缺。全行檄調營
員。未免苦累。著照所請。嗣後遇有守備缺出。輪用世
職。先將到標名次在先之員調考。若弓馬才具俱堪
稱職。即將該員題補。僅弓馬生疏。飭回原營練習。再
調。其次之員考驗。如仍難稱職。即挨次遞推調補。下

次缺出。仍將前次退回原營之員調考。如練習勝前。准將該員題補。儻仍前生疏。即著勒令休致。所遺世職。另行承襲。至各省雲騎尉世職。情形均屬相同。俱著照此畫一辦理。並著該督撫提督於校閱營伍時。將世職人員。擇其技藝優長。年分較深。及平日差操勤慎者。隨時存記。遇有應補缺出。即可覈實揀補。以重營務。而勵人材。○又議准。各項世職。凡已經引見奉

旨。以應得之官題補人員。有願報捐者。俱照本職候補候選人員加捐。即用例報捐。其未經期滿各

世職。照期滿人員。加成報捐。輕車都尉。准捐遊擊。即用。如願捐參將。再行加捐。騎都尉。准捐都司。即用。雲騎尉。准捐守備。即用。再行捐升。恩騎尉。准先捐千總。即用。再行加捐守備。以次捐升。恩騎尉人數衆多。准加捐至守備以上。不得止捐營千總。以免壅滯。○又議准。雲騎尉有願改捐衛守備。恩騎尉有願改捐守禦所千總。衛千總者。均准報捐。分別已未期滿辦理。○十二年議定。各省世職。有年分較深。技藝優長。差操勤慎者。該督撫於查閱營伍時。多為存記。先行造

冊咨部。俟有應題缺出。即可覈實揀補。儻遇缺出時。並無記名人員。應按到標前後挨次調考。如題補名次在後人員。務將名次在前各員。弓馬是否平常。並曾否調考幾次之處。逐一聲敘。免致往返駁查。○十三年議准。各項期滿世職報捐京外文官。應與未經期滿引

見之員。俱照廕生報捐之例。一律改捐。輕車都尉比照一品廕生。騎都尉比照二品廕生。雲騎尉比照三品廕生。各按未經引

見廕生報捐各項應廕官職。加成報捐。恩騎尉一項。

准照四品恩廕監生報捐別項。其欲捐正印者。令先捐免保舉。○十七年覆准。雲騎尉世職降補千總。必須該員出於情願。並非有所強抑。出具切結。呈明該督撫咨部備案。後再行調取考補。其不願降補者。仍歸守備班輪補。至呈明降補人員。不得再改歸守備。其千總一經得缺。應與在營千總一律考察。○二十三年奉

旨。嗣後新襲公侯伯帶領引

見時。排單上註寫某人子弟。○二十五年覆准。世職人員調考二次。飭令回營練習之員。輪補到班。

准再送考一次。如弓馬勝前。即將該員題補。儻仍前生疏。應即勒休。○又奏准。嗣後各項世職。有呈改水師者。列名報部。隨帶出洋考驗。如不宜外海。隨時甄別。撥回原營當差。無營分者。仍回原處。將改用水師之名註銷。免其處分。如咨留保題。暨得缺後。查有不諳水性。將該員咨回原處。照蒙混具呈例議處。○同治八年奏准。恩騎尉降補把總。由該世職出具。並非強抑切結。呈明該督撫咨部覈准後。再行按照輪缺辦理。至告降把總人員。應照把總之階升轉。不得再

歸千總以杜取巧。○光緒十三年奏准。承襲世職。不必拘以年限。其請襲之員。責成地方官認真查察。如確係應襲之人。再取具族鄰甘結。詳細支派宗圖。及故員出身履歷清冊。加具印結。送部查覈。倘有不實。除襲案隨時撤銷。假冒之人。從嚴懲辦外。應將出結不實之地方官。查取職名議處。

欽定大清會典事例卷五百六十五

兵部

職制 八旗世爵及武職外用

八旗世爵及武職外用。○乾隆元年議准。自山海關至殺虎口。保德州。並古北口。宣化。大同。所屬地方。均係沿邊關隘要地。副參遊都守等官。以三分留與綠旗補用。以七分給予旗員對品補用。補用之後。五年為滿。如果熟諳營伍。人地相宜。准該督提等以各該員應升之官題補。其餘咨部轉咨該旗。按該員原職應升之官。先儘

升補。○又議准。直隸省河屯營副將標下千總一員。把總二員。並分防喀喇河屯。龍鬚門。波羅樹森吉圖。各千總。大店子。馬圈子。喇嘛洞。虎什哈。丫頭溝。三溝。中六溝。八溝。營左右司各把總。歸八旗補用。其餘千總。仍照舊悉歸河屯營及內地沿邊弁兵內揀選拔補。○六年議准。八旗武職外用沿邊各缺。於補用之後。不拘年限。如果弓馬嫻熟。諳練營伍。除以該員應升之官題補。其餘未得題補者。統以五年為滿。該督提出具考語。給咨送部。由部考驗引。

見。並將例有題缺之省。開單請

旨分發。遇員缺題補。其所遺沿邊員缺。仍於在京八旗武職內揀選補用。如有不能熟悉營伍。不宜外任者。咨部發回各該旗。仍在原處行走。以原職應升之官補用。至副將內有整飭營伍。堪膺表率之任者。不拘年限。該督提出具考語。保送到部註冊。將該員仍留原任。俟各省總兵官缺。與綠旗營副將一例論俸。開列具題。恭候

欽定補授。○又議准。直隸山西兩省沿邊副將。以一等侍衛冠軍使。王府長史。前鋒護軍驍騎參領。

步軍翼尉並一品二品世爵補用。參將遊擊以
二等待衛雲麾使前鋒侍衛副參領佐領步軍
協尉三品世爵補用。都司以三等待衛治儀正
步軍副尉步軍尉四品世爵補用。守備以藍翎
侍衛整儀衛五品世爵及親軍校前鋒校護軍
校驍騎校補用。副將分左右翼輪用。參遊都守
八旗輪用。均於缺出時行文領侍衛內大臣鑒
儀衛火器營八旗都統前鋒護軍步軍統領等
揀選三四人。出具考語咨送到部。考試弓馬。揀
選引

見恭候

欽定補授。○又奏准。直隸省內地副將參將遊擊都司守備。以三分補用旗員。七分補用綠旗。第一次補用旗員。第二第三補用綠旗。第四補用旗員。第五第六補用綠旗。第七補用旗員。第八第九第十補用綠旗。其應用旗員者。由部行文該督。於現任沿邊旗員內。揀選熟悉營伍之人。題請調補。所遺沿邊之缺。仍於在京八旗武職內。揀選補用。此內由沿邊調補內地之參遊都守。遇有應升之缺。仍准其題補。其調補內地。未經

題升者。仍接算前任邊俸。扣滿五年。該督出具
考語。給咨送部引

見恭候

欽定。分發各省。遇缺題補。至調補內地之副將。俟有
總兵官缺。亦與綠旗副將一例論俸。開列具題。
○又奏准。巡捕三營馬蘭鎮泰甯鎮千總。並直
隸山西沿邊千總。將前鋒護軍與綠旗輪流間
補。行令八旗內務府。於前鋒護軍內揀選三十
五名引

見交。部分發直隸省十五名。山西省十二名。馬蘭鎮

二名。泰甯鎮二名。巡捕營四名。將姓名掣定註冊。俟有各該處千總員缺掣補。給劄赴任。二年之內。如行走好熟。悉營務。各該處出具考語保送。由部引。

見將各省守備題缺數目開列。隨摺奏

聞。恭候分發各省。果有技藝出衆。與各該處營伍相宜者。准其以守備題補。儻有行走怠惰。不宜營伍者。即咨送回部。仍發原處行走。將及用完之日。仍行令八旗內務府揀選引。

見。○七年奏准。陝西甘肅兩省沿邊。並四川省松潘

鎮均地處邊陲。番夷錯雜。應分用旗員。以資彈壓。陝甘應題補之副參遊都守。共二百有九員。四川松潘應題補之副參遊都守。共十有六員。無論沿邊腹地。第一次員缺。補用旗員。第二三四五次補用綠旗。再有員缺。照此輪用。凡遇員缺。應以旗員補用者。按照旗分。咨取應用之人。考驗揀選。三四人引。

見恭候

欽定補授。至補授之後。如果熟諳營務。遇有應升之缺。准其與綠旗人員一例揀選題補。其開列推

升。亦與綠旗一例較俸升轉。儻不宜外任。即咨送回部。仍發各該旗。令在原處行走。俟有該員原職應升之官。先儘補用。至陝甘二省。千總一百九十三員。四川松潘。千總十有八員。第一次員缺。補用前鋒護軍。第二三四五次。補用綠旗。再有員缺。照此輪用。由部行文左右二翼前鋒統領。八旗護軍統領。揀選人材壯健。弓馬嫻熟。語言明白者。每旗各保送十人。咨部考驗引見。記名註冊。遇有陝甘松潘千總員缺。應補旗員者。掣籤補用。補用之後。均照綠旗千總之例。一體

六年俸滿。如有材技優長。熟悉營務者。准其不
拘年限。以守備題升。其未經題升。食俸已滿者。
該督照綠旗俸滿千總之例。出具考語。送部引
見。恭候

欽定。儻有不能熟悉綠旗營務。不宜外任者。即咨送
回部。發回各該旗。仍在原處行走。○又議准。上
三旗親軍內。揀選身材壯健。弓馬嫻熟。語言明
白者。每旗酌保一二人。送部。入於八旗前鋒護
軍內。公同考驗引

見。○八年議定。從前所定旗員分用綠旗員缺之例。

原係將滿漢升途通行籌酌。今按陝甘松潘所屬各營補用之旗員。乃與綠旗一例升轉。則直隸山西沿邊補用。並直隸調補內地各旗員。均應照陝甘松潘之例。毋庸定以年限。令該督提試看。如弓馬嫻熟。諳練營伍。遇有應升之缺。與綠旗一例揀選題補。如有不能熟悉營伍。不宜外任。亦不必拘定五年之限。隨時咨部。仍照原議。發回各該旗。令其在原處行走。俟有原職應升之官。先儘升補。所遺沿邊之缺。仍將在京八旗武職揀選補用。其餘未得題補者。均與綠旗

各官一例較俸升轉。所有五年俸滿保送之例。即行停止。○又奏准。前鋒護軍補用千總。陝甘二省並四川松潘一鎮。定以五缺補用一人。照綠旗千總之例。六年俸滿。今將巡捕營並直隸山西亦照陝甘四川之例。五缺補用一人。則前鋒護軍補用無幾。然若與綠旗閒用。則又礙綠旗進身之階。嗣後巡捕三營直隸山西沿邊等處並馬蘭秦甯二鎮額設千總。均以三分之一補用。前鋒護軍。俟有員缺。第一次補用前鋒護軍。第二次三次補用綠旗。再有員缺。照此輪用。

所有原定揀選之例即行停止均照例六年俸滿。出具考語保送引

見。如有技藝出衆。請練營伍者不拘年限遇有守備員缺即准題補其行走怠惰不宜營伍者仍照原議發回原處行走其保送之千總到部引

見時恭候

欽定。或發回原任省分。或發往鄰省以守備題補。或交巡捕營當差。其人材勞績不稱題補之選者不必隨營候推亦留旗在原處行走仍給予千總頂戴遇有揀選升用之處與應升之人一例

揀選升用。○又奏准。陝甘二省及四川松潘一鎮。應題副參遊都守。並直隸山西沿邊各關分用旗員。原以邊疆緊要。滿洲人材衆多。弓馬素嫻。以之分任。可以表率弁兵。整飭營伍。方於邊疆有益。近見各旗有將年力就衰。及年少世爵。不宜外任之人。保送驗其弓馬。並非出衆。殊失邊疆期於得人之意。嗣後凡遇咨取應用人員。務須詳慎揀選。將年力精壯。弓馬優嫻者。秉公保送。如實在無人。即聲明咨覆。若各處均無人可送。及所送之人。皆不堪用。即將其次應用旗

分咨取遴選引

見。僅各處保送人員內。由部考驗人材弓馬。僅可遴取一人。不便引

見。即咨取其次應用旗分人員。一併揀選三四人引見。如應取鑲黃旗人員。止選一人。即咨取其次應用之正黃旗。一併揀選三四人引

見。若將鑲黃旗人員補授。再有員缺。仍於正黃旗取用。若將正黃旗人員補授。再有員缺。鑲黃正黃二旗。均停其咨取。即將其次應用之正白旗人員。揀選引

見補授。其餘旗分照此辦理。○九年奏准。直隸。山西。陝甘。松潘各缺。分用旗員。原議專用滿洲。並無兼用蒙古之例。但滿洲兼入蒙古旗分人員。因其原屬滿洲。准其一例揀選。而蒙古兼入滿洲旗分人員。現在已分隸滿洲旗分。均在滿洲旗分升轉。乃補授沿邊各缺。不得與滿洲一例揀選。殊未盡一。嗣後應與滿洲人員一例揀選補用。○又奏准。各省豫保千總。為數無幾。候補守備人多。應將分用旗員之陝甘二省。及四川松潘一鎮。應題守備。除第一次員缺。照例分用旗

員外。其第二次掣用豫保千總。第三四五次在於候補人員內揀選題補。至川省並未分用旗員之標協營。如有應題守備員缺。以第一次歸豫保千總掣補。第二三四次歸候補人員題補。再有員缺。皆照此輪用。○十年奏准。鷹房狗房鵲房三處。一二品廕生。騎都尉。兼入各執事行走者。以都司補用。三品廕生。藍翎侍衛。雲騎尉。並候補職官。及有頂戴人員。選入各執事行走。現食俸祿者。以守備補用。閒散及驍騎等。選補各執事人。現食錢糧者。按其差使。與前鋒護軍。

相等。以千總補用。直隸山西沿邊補用旗員。乃分定地方。按照旗分。挨次補用。陝甘松潘。乃以題缺五分之一。分用旗員。按照旗分。輪流補用。其都司守備員缺。遇有分用旗員者。行文鷹房。狗房。鶴房。三處。按照咨取旗分。將行走已過五年。人去得者。公同揀選一人。出具考語。保送赴部。與各處送到人員。一同考驗揀選。引

見請

旨補授。至應用千總一人。由部照護軍前鋒補用千總之例。行文三處。將行走已過五年。人去得者。

不拘人數。揀選出具考語。保送到部。考驗引

見奉

旨。准其註冊後。歸入八旗滿洲。現用千總前鋒護軍之內。一例按照旗分。遇有員缺。係分用前鋒護軍者。公同掣籤補用。○十三年奉

旨。京師護軍參領護軍校護軍內。有曾經出師並騎射優者。揀選補授綠旗各官。其圓明園護軍參領護軍校護軍等。非京城經制官兵。是以並未與選。但此內既有可以選用之人。且差務較前有增。看來皆可選。勉將事。自應照京城一例揀選補授。以示鼓勵。嗣後

揀選補授綠旗各官時。入於京城各該旗。會同圓明園總統等。一例揀選。○又奏准。前鋒護軍補用千總。六年俸滿。應行保送之人。如果材技優長。堪膺保題者。遇有守備員缺。即准題補。其才力技藝。雖堪保題。尚覺稍次者。保送來京。隨到隨令軍機大臣會部。再加考驗。擇其實堪升用者引見。或發回原任之省及鄰省。以守備題補。或交巡捕營當差。或仍令回旗於原處行走。均候欽定。其不中選者。毋庸引

見。以守備銜回旗。於原處行走。按年滿日期候推。至

材技均屬平常者不必送部引

見。給予千總職銜。咨回該旗。於原處行走。○又定。嗣後四川省夔州協副將員缺。於一等待衛內揀選引

見。○十四年奏准。

靜宜園之健銳營參領前鋒校等官內。除本營應升員缺外。若有可以應升外省之人。歸入京城各該旗會同健銳營總統。一例揀選。○十五年奉

旨。從前降旨。沿邊及直隸地方營協。參用八旗滿洲人

員。原因旗員弓馬素優。人材驍勁。習於勞苦。整頓營伍。是其所長。是以令其分班補用。今行之數年。邊方營伍漸次整飭。而旗員之於外任相宜者。亦悉經擢用。嗣後綠營分用旗員者。自都司以上。應稍為裁減。俾得其平。兵部再行詳悉定議具奏。欽此。遵

旨議奏。直隸山西二省沿邊都司以上。三七分用旗員者。酌減一分。以六分補用旗員。四分補用綠旗。陝甘二省四川松潘鎮都司以上。五分之一分用旗員者。改為六分之一。以第一次員缺補用旗員。第二三四五六次補用綠旗。再有員缺。照

此輪用奉

旨。直隸山西沿邊地方。都司以上員缺。著以五分補用旗員。五分補用綠營官員。○又

諭。朕前因綠旗營伍廢弛。兵力軟弱。皆由將弁不能約束訓練所致。是以分用旗員。以資鈐轄。邇來因簡用過多。業將遊擊以下之缺。量加酌減。今觀侍衛協領參領內。才具稍優者。皆已陸續外用。副參等缺。仍屬過多。旗員內。漸少出色之人。而綠旗員缺。亦未免稍偏。朕因材器使。內外原屬一體。但隨時委用。輕重務在合宜。自應量為調劑。且向來旗員內升者。即藍翎

侍衛亦皆以為榮。初無欣羨外任之意。若樂於外任。可以偷安。且多得俸薪。則所見卑鄙已甚。滿洲淳樸之風。當不出此。總之操縱在朕。向之多用綠旗。不可歎向隅。今之簡用滿洲。不可歎阻途。所有分缺簡用之處。該部再行定議具奏。欽此。遵

旨議定。直隸省沿邊副將四員。以三用綠旗。一用旗員。山西省沿邊參將十有一員。以七用綠旗。四用旗員。直隸內地由部推補之副參。向於十缺之內。將現任沿邊旗員調補三人。以七歸部推補。今副參員缺。第一次員缺。用沿邊旗員調補。第

二三四五次歸部推補。陝甘二省四川松潘鎮副將等員缺。原於五分之一。補用旗員。業經改為六分之一。今再酌減一分。第一次員缺。補用旗員。第二三四五六七次補用綠旗。再有員缺。照此輪用。至千總原缺。除巡捕營馬蘭泰甯二鎮。仍照例以前鋒護軍補用外。其陝甘松潘千總員缺。概用綠旗。停其以前鋒護軍補用。○又議准。直隸省張家口副將。昌平營參將。提標右營遵化營喜峰口。宣化鎮標右營各遊擊。石塘路。居庸路。翠華城。山永協。左營。山海路。石門路。

建昌路。潘家口。柴溝營。懷安城。龍門路。滴水崖。
蔚州。西城。長安嶺。各都司。提標中營。前營。黃花
路。湯泉營。山永協。右營。三屯協。右營。宣化鎮。中
營。張家口。中軍。張家口。左營。獨石口。右營。萬全
營。膳房堡。新河堡。洗馬林堡。西陽堡。鎮安堡。龍
門所。東城。礮山堡。懷來城。周四溝堡。四海冶堡。
全道城。左衛城。各守備。均以旗員補用。○又議
准。山西殺虎口。副將。新平路。助馬路。偏關營。河
堡營。各參將。大同鎮。標中營。右營。各遊擊。天城。
高山。渾源。忻州。靖遠營。朔平。朔州。鎮西。保德。各

都司。大同鎮標中營左營右營前營北樓小石口。應州。平魯甯武。殺虎協右營各守備。均以旗員補用。○十七年奏准。俸滿到部之滿千總會同軍機大臣揀選實堪升用之人引

見。其不中選者。發回該旗以守備候推。惟是此項人員。因千總年滿回京揀選。不堪外用。今回原處當差。今若仍以守備推用。不惟得官無期。而以不堪外用之人。復推用守備。似未允協。嗣後滿千總俸滿到部。仍照原議。會同軍機大臣考驗。有材技實堪升用者。引

見恭候

欽定。其不中選者。即咨回該旗當差。不必歸班選用。遇有驍騎校護軍校等員缺。令該管大員與應升之人。一例揀選。酌量補用。○十八年議定。直隸山西兩省沿邊。及陝甘松潘應用旗員之副參遊都守員缺。於用滿洲四人之後。用蒙古一人。均照滿洲之例。按翼按旗。輪次咨取。至應用千總員缺。於八旗蒙古所屬親軍前鋒護軍。每旗各保四五人。送部考驗。揀選引

見記名。亦俟滿洲補用四人之後。掣補蒙古一人。○

又奏准。鷹房狗房鵲房滿洲各執事人。外用沿邊千總之例停止。○十九年奏准。旗員外任副將。已滿三年者。一年一次調回。於到齊之時。由部引

見。所遺之缺。將應用之侍衛等官調補。○二十年

諭。武職在部候選者。本屬無多。每遇外省奏請揀發。例須移取旗員。一同揀選。文移往返。未免稽緩。嗣後該部行文各該管大員。於應用參將以下之侍衛參佐尉校等官。每處豫送數人到部。考驗引見。遇揀發時。即與在部候選候補綠旗人員。一同揀選。俟將次用

完。仍令再行豫送。以免臨時稽候。○二十六年。裁山西省利民營都司。改設歸化城守營都司。定為滿員調補。○二十七年。裁山西省平魯參將守備。改設都司一員。定為滿員補放。○又裁直隸省長安嶺石塘路各都司。黃花路守備。其石塘路改設守備一員。仍歸滿員補放。○二十八年。裁山西省渾源營都司。改設守備。仍歸滿員補放。○又議准。揀發營衛官員。令該督撫委署試看。如果才具平庸。不能辦事。該督撫出具考語。送部引

見將由旗員揀發。及由候補候選人員揀發。可否仍以原官歸班選用。抑或降等補用之處。恭候

欽定。○二十九年奏准。直隸省周四溝堡守備裁汰。○又奏准。火器營烏槍營總護軍參領滿洲礮營參領健銳營前鋒參領。

圓明園營總並護軍參領俱以副將用火器營烏槍副護軍參領健銳營副前鋒參領。

圓明園副護軍參領俱以參將遊擊用。信礮章京委署前鋒侍衛委署護軍參領火器營委署烏槍護軍參領健銳營委署前鋒參領。

圓明園委署護軍參領俱以都司用。火器營烏槍護軍校以守備用。遇有應用滿員缺出。與各營應用人員一體揀選補放。○三十年奏准甘肅省烏魯木齊提標中營左營千總各一缺。巴里坤鎮標中營左營千總各一缺。作為揀補缺。遇缺出時。由部行文領侍衛內大臣前鋒統領護軍統領於八旗滿洲蒙古前鋒親軍護軍內將蒙古話好人去得者。各保一二名送部。兵部揀選二三名引

見補放。○三十一年奉

旨。滿洲人員補用千總之例。業經停止。現在甄別保送之年滿千總。毋庸帶領引見。著留京仍在原處行走。
○三十二年議准。直隸省懷安城都司。改為懷安路。仍歸滿員補放。○三十三年

諭。嗣後遇有揀發參將以上人員。著交兵部臨時奏派大臣。會同該部揀選帶領引見發往。著為令。○又議准。直隸省獨石口副將。定為邊缺。遇缺出時。將在京滿員。照例揀選引

見補放。○三十四年

諭。延綏鎮總兵華山來京陛見。看來係烏拉齊。不識漢

字。若補用綠營。難以辦理營伍事務。今將華山留京補授副都統。嗣後東三省人員。不必補用綠營將弁。著為例。○又

諭。從前降旨。東三省人等。並不識漢字。焉能辦理綠營事務。交兵部於現在各省綠營官內。查明東三省人有若干之處具奏。此原係東三省生長之人。不識漢字。不能辦理綠營事務。若伊等子嗣在京生長者。與舊滿洲蒙古無異。今並不論此。將現在各省所有東三省人等。俱行撤回。甚屬拘泥。嗣後東三省人等。若移住京城者。仍毋庸升用綠營。若在北京所生之子

嗣既歷二代。即與在京之滿洲蒙古一體揀選。升用外任。○三十七年

諭兵部將揀發雲南武職人員。帶領引見。內由綠營漢官簡用者。止有一人。但思綠營將領。雖屬滿漢參用。亦必須所占員缺。多寡適均。方合體制。著交兵部將揀選武職人員。如何立法。令滿漢間用之處。另行詳悉妥議具奏。嗣後巡捕三營官員。現有降級停升處分者。遇應行揀選時。仍准其一體揀選。其處分之案。帶於新任。欽此。遵

旨議定。嗣後遇揀發時。將在部候補候選人員。及漢侍

衛巡捕營官員。並各省保舉一等卓異豫保邊
俸到部引

見及引

見尚未起程人員。一同揀選。如此等人數無多。不敷
揀選。再行咨取八旗滿洲蒙古應用人員。一併
揀選。帶領引

見請

旨發往。○三十八年奏准各省奏請揀發武職嗣後
請

旨特派大臣。由部行文各該處咨取應用人員。揀選

帶領引

見發往實屬簡便。所有從前豫行揀選之例永遠停止。○三十九年

諭嗣後各省綠營旗員。如有弓馬生疏。廢弛行伍者。均著解任回京。該部帶領引見。再降諭旨。○四十年議准。黏杆處侍衛藍翎侍衛。遇綠營應用滿員缺出。兵部咨取應升人員。一體揀選補放。○又

諭八旗各營大臣等。凡保送應用綠旗人員。務須遴選年壯技優。堪為表率者。帶領引見。其五十五歲以上。騎射技藝平常者。不准保送。○又奏准。八旗應襲綠

營都司守備及千把總等官。由部帶領引

見奉

旨內用者。照例以旗員對品補用奉

旨外用者。發交巡捕營學習三年期滿。該管大臣詳加考驗。分別等第。如人材弓馬堪列一等者。留於該營。遇有相當缺出。即行題補拔補。列為二等者。咨送兵部。發往直隸總督標下題補拔補。列為三等者。即由該營帶領引

見恭候

欽定。至都司一項。巡捕營並無應補之缺。如有外用

都司者。仍發交巡捕營學習。亦以三年為滿。其
弓馬可觀。熟諳營伍者。留於巡捕營。以守備借
補。再過三年。如果材技出眾。即以遊擊題補。以
上學習各員。給予馬糧一分。○四十一年

諭。八旗各營。保送綠營外任。有不情願者。即呈明該管
大臣。如該管大臣不准所呈。強欲保送。即在派出揀
選大臣兵部大臣前。將緣由呈明。如已至外任後。概
不准其具呈。並嚴行叅處。○又奏准。甘肅省瑪納斯
協左右營千總缺出。由部照烏魯木齊提標揀
補千總之例。於滿洲蒙古應用人員內。揀選補

放。○四十七年議准。甘肅省庫爾喀拉烏蘇營各千總缺出。由部照揀補烏魯木齊提標千總之例。於滿洲蒙古應用人員內。揀選補放。○四十八年奏准。甘肅四川雲南貴州四省。幅員遼闊。差務殷繁。如實在差委乏人。准該總督奏請揀發副將參將。每項不得過二員。遊擊都司。每項不得過四員。守備一項。本省候補候推人員。足資差遣。不得率行奏請。至直隸山西河南山東陝西江南江西湖廣福建浙江廣東廣西等省。均係內地。或多水師。俱概行停止揀發。至陝

甘二省四川松潘一鎮揀發人員內遇有旗員即以該處輪用旗員之缺補用不得更占綠營之缺。○四十九年

諭各旗文武官員如有父母年至七十五歲以上者均不准其保送外任。○五十四年奏准旗員補放綠營緣事降調應用守備以上等官仍帶領引

見分別補用外其降至千總把總者即交該旗當差毋庸分別內用外用。○五十七年奏准甘肅省蒙古千總停止在京補放遇缺出時即於烏魯木齊所屬滿洲蒙古候補驍騎校之年滿筆帖

式委前鋒校領催前鋒內能通蒙古語者由該處都統會同提督揀選補放如不得其人該都統等行文伊犁將軍於應用之委前鋒校領催前鋒咨取揀拔○五十八年議准咨取旗員揀放綠營之缺先儘出兵人員挑用兩次之後將未出兵人員挑用一次如遇各省奏請揀發就本次所請額數按出兵者二人未出兵者一人挑取補放○又議准咨取旗員揀放儘該旗並無出兵人員將出兵人員過班一次以未出兵人員咨取挑用○五十九年奏准直隸省河屯

協副將缺出。兵部將滿員合例應升之參將。開列請

旨簡放。○嘉慶四年

諭東三省留京當差人員。定例過二代後。方准補用綠營。現在各省奏請分發。在在需人差委。每致乏人揀選。嗣後除本身留京之員。仍不准保用營員外。至各該員子嗣。遇有各省奏請揀發。准其一體揀選。著為令。○又奏准。由驍騎校補放印務章京者。給予五品頂戴。以都司補用。○又奏准。各省駐防官員內。有實在出色。堪勝綠營人員。該將軍等秉公保

舉。出具考語。送部引

見如奉

旨記名。應用副將參將遊擊都司守備等官。以滿洲
蒙古漢軍月缺。並邊缺。及輪用題缺。統俟京員
補用三缺後。用駐防一缺。其應用時。將滿洲用
過四缺之後。用蒙古一缺。按八旗次序。先儘出
兵人員選用兩缺後。將未出兵者選用一缺。至
廣州駐防漢軍。人數無多。遇有保送。與滿洲一
體升用。其保送各員內。協領以副將用。防守尉
佐領以參將遊擊並用。防禦以都司用。驍騎校。

以守備用。其防守尉佐領引

見時。將分別參遊用之處。聲明請

旨。○五年奏定。八旗漢軍人員。補用綠營。缺分較少。如材技優長者。不能及時效用。准其與滿洲蒙古人員。一體揀發補用綠營。○七年奏准。保送補放副將參將遊擊都司守備人員。兵部揀選二三員。帶領引

見恭候

欽定。○又議准。直隸山西二省。揀發副將參將遊擊都司守備內。由旗員揀發者。即以該處應用旗

員之缺補用。不得更占綠營之缺。○九年奏准。揀選遊擊。照參將副將之例奏請。

欽派大臣會同揀選。○十年奏准。旗員武職回京。凡養親事畢。及病痊起復人員。奉

旨。在原衙門行走者。遇有應用旗員缺出。仍准其一體保送。○十一年奏准。八旗滿洲蒙古漢軍保送各項人員。內有世職大而職任小者。或由世職。或由職任。聽該管大臣保送。其世職與職任品級相同。或世職小於職任者。均照現任職任保送。○又奏准。每年應用副將參將遊擊都司

月缺。共止七缺。專以在京旗員補放。其駐防保送記名人員。毋庸輪用此項月缺。○十二年

諭。嗣後揀發外省武職。必須擇其年力精壯者。保送挑選。即該員雖有軍功。而年齒已衰。不得濫行保選。庶於營伍有益。○又奏准。山西得勝路參將一缺。定為沿邊滿員之缺。遇有缺出。專以旗員補用。○又

諭。外省綠營辦理公務。文移往來。俱用漢字。該管營員。即僅識漢字。尚恐於一切營務。不能妥協辦理。若並漢字不識。勢必至稿案茫然。動形踟躕。嗣後旗員及東三省人員。有揀補各省綠營武職者。各該管上司

保送時不得以不識漢字之人濫行充數及揀選時仍著欽派大臣等臨期詢其是否能識漢字並面加試驗其不識漢字者不准揀選方免臨時舛誤於營務庶有裨益○又議准駐防保送綠營人員向係按照旗分揆補往往一旗積至數人有歷數年尚未輪用者亦有一二旗所保人數無多一遇保送即可輪用未免偏枯嗣後仿照綠營豫保之例統以引

見先後為斷不必按照旗分揆用其同日引見者先用出兵人員如同係出兵未出兵者較食俸

年分補用。此內有奉

旨交軍機處記名者。無論引

見先後。先儘升用。至保送各員。每項僅止一二員。兵部即行文各省咨取。至輪用時。俟京員補用三缺後。將駐防保送人員補用一人。駐防滿洲補用四缺後。用駐防蒙古一人。○又奏准旗員揀選綠營副將等官各缺。各該旗出兵及未出兵人員內。如有曾經軍政記名者。按八旗應用次序。及出兵未出兵次數。兵部將軍軍政記名人員。先儘咨取。與各項人員一體揀選帶領引

見請

旨補放。○十六年議准直隸省建昌赤峯營添設都司二缺。朝陽營添設守備一缺。將潘家口滴水崖各都司及四海冶堡守備裁汰移紮。遇有缺出由該督撫於沿邊合例滿員內揀選題請升調。所遺之缺仍歸滿員補放。○又裁蔚州路西城都司一缺。○道光元年議准嗣後外省旗缺輪用鑲黃正黃正白滿蒙旗分未出兵人員時將內務府護軍營驍騎營上三旗滿蒙人員各按各旗咨取。內務府按旗擇其行走勤奮者出

具考語。聲明行走年分。保送一二員過部。一併揀選。至漢軍月缺。除侍衛處與鑾儀衛人員專行咨取外。如輪用八旗漢軍人員時。用過一次之後。至第二次。將內務府護軍營驍騎營上三旗漢軍人員。咨取一次。該衙門亦擇其行走勤奮者。出具考語。並聲明行走年分。每旗保送一員過部。與八旗漢軍人員一體揀選。如遇各省奏請揀發遊擊都司等官。亦咨取內務府。將該三旗滿洲蒙古漢軍人員。保送數員過部。一併揀選。○又

諭。山西殺虎協副將。從前曾有在外題升之案。此次著照成格所請。准其於該省遴員題請升補。以後此缺仍由在京旗員輪流揀選。不得援為常例。○二年議

准。應用營員之三旗侍衛。與鑾儀衛章京等。作為四班輪用。嗣後每年應用滿洲蒙古漢軍副將一缺。滿洲蒙古參將一缺。滿洲蒙古都司一缺。按照原定月分咨取。第一次用侍衛處鑲黃旗人員。第二次用侍衛處正黃旗人員。第三次用侍衛處正白旗人員。第四次用鑾儀衛章京人員。四班輪用。周而復始。侍衛處正紅鑲白鑲

紅正藍鑲藍五旗人員。分入三旗當差者。入於三旗人員內。一體揀選咨送。儻有五旗人員入選咨送者。令侍衛處詳細聲明該員履歷。以便查考。○六年議准。滿洲蒙古漢軍侍衛。由武進士出身人員。有願報捐者。悉照漢侍衛之例辦理。其並非由武進士出身人員。除頭等侍衛例用副將毋庸議外。其二等侍衛准捐遊擊即用。三等侍衛准捐都司即用。藍翎侍衛准捐守備即用。有願捐升者。俱准以次遞捐。○又議准鑾儀衛滿洲蒙古漢軍人員。除冠軍使例用副將

毋庸議外。雲麾使照未經期滿輕車都尉報捐遊擊即用。治儀正照未經期滿騎都尉報捐都司即用。整儀衛照未經期滿雲騎尉報捐守備即用。有願捐升者。再行以次遞捐。至漢軍整儀尉人員。有願改捐衛用者。照未經期滿雲騎尉改捐衛用之例辦理。○十五年奏准嗣後直隸等省沿邊旗缺。如用至駐防蒙古記名人員時。無應用之人。即以駐防滿洲記名人員抵補。如用至駐防滿洲記名人員時。無應用之人。即以駐防蒙古記名人員抵補。兩項俱無。仍歸京員。

補用。○二十一年奏准。滿洲蒙古人員。准其報捐衛所備弁。與漢軍漢人一體籤掣選用。○二

十七年

諭。揀發四川參將關亮。係前因總兵任內。濫委釀命。來

京引見。以副護軍參領降補之員。著毋庸發往四川。仍以副護軍參領補用。所有四川揀發參將。著該部另行揀員帶領引見。嗣後如有似此因案以京員用者。俱著不准保送。○咸豐元年奏准。嗣後在京八旗並駐防滿洲蒙古漢軍三品以下人員。准按照現任品級。加成報捐。正三品准捐參將。從三品

准捐遊擊。至綠營並無從四品之官。如從四品捐都司。比照從四品銀數酌增。駐防人員。業經保舉堪勝綠營。奉

旨。以何項官職用者。照應得之官。酌加銀數報捐歸部銓選。以上各有願捐升者。以次遞捐。仍准在任候選。如有情願赴部者。准半年內呈明離任。半年外概不准行。願捐分發者。准捐分發各省。至在京旗員。准捐千把總分發巡捕營。駐防旗員。准分發各本省。○三年

諭。聯順奏揀選營員。請酌定章程一摺。向來保送營員。

均。以。弓。馬。嫻。熟。為。憑。若。如。該。侍。郎。所。奏。派。充。揀。選。時。見。有。步。射。不。到。靶。者。數。十。員。似。此。技。藝。生。疏。該。旗。營。何。以。輒。行。保。送。恐。該。員。等。有。取。巧。規。避。情。弊。嗣。後。保。送。營。員。著。該。王。大。臣。等。遵。照。定。例。秉。公。保。送。至。派。出。揀。選。之。大。臣。亦。當。認。真。校。閱。如。有。弓。馬。生。疏。技。藝。過。劣。者。該。大。臣。即。行。指。名。參。處。以。重。考。校。而。杜。規。避。○
五。年。議。准。滿。營。佐。領。以。下。各。官。悉。照。武。職。品。級。報。捐。如。佐。領。照。都。司。防。禦。照。守。備。驍。騎。校。照。千。總。各。銀。數。一。體。報。捐。毋。庸。減。成。○又。議。准。各。省。駐。防。人。員。准。捐。防。禦。以。下。等。官。防。禦。照。守。備。驍。

騎校護軍校前鋒校照千總藍翎長照把總均
准其報捐。